

وحشة هالليلة احس تخفي آلام يبني عبدالله عوف البجي ونام
وباچر يعيناي تتهنى بالماي يا الغالي يبني

من أصد ليك أنا أفهم عينك تحاچيني باحزان
أنا أحس بيك تهز راسك تريد تگلي عطشان
يروح أمك أحس تنفس بهم وتعيب
ويحق لك يا حبيبي تبجي بدموع العتب

غمض الليلة يا قلبي وارتاح وباچر الماي ايجي ايروي لروح
وباچر يعيناي تتهنى بالماي يا الغالي يبني

أشعر بروع وأنا أتبسم إلك بس قلبي مخطوف
أخفي لدموع ولا أريدك يروحي تشعر بخوف
أهزك مهدك وأناغيك وأقبل رقبتك
يعبدالله احتمل هالليلة صبر مهجتك

يبني عتبك على عيوني والراس باچر بچفه يسگينا عباس
وباچر يعيناي تتهنى بالماي يا الغالي يبني

يا ضوى العين نمت هسه بأمل باچر أرويك
وحق الحسين أشم هالليلة عطر امن الخلد بيك
نمت يا روحي وبخذك دموعك تنذرف
يطير الجنة أحس هالليلة نورك مختلف

ما عفت مهدك امساهرة وياك لا تفر يبني تشكي لي عيناك
وباچر يعيناي تتهنى بالماي يا الغالي يبني

ايـعـز عليـه تنام اعلى العطش واللهفة والآه
مـو بيديـه يعبدالله الألم يذبحني والله
عزیز اعلى أمك وحق الزجیة فاطمة
حرارة بصدرك وذابل يحسرة امن الظما

ادعي لك ربي وبقلبي مجمر أطلب أم الحسن لينا تحضر
وباچر يعيناي تنهني بالماي يا الغالي ييني

قالبی مـذھول تفتح عينك وما تبجي بهموم
يا الولد قول يعبدالله اش شفت يا عيني بالنوم
إذا شفت الزجیة الزهرا بالله يا الولد
يروحي اش كالت أمك كلي ما بي جلد

لا تودعني يغالي لا تروح كلها ليلة وبعد ننسى لجروح
وباچر يعيناي تنهني بالماي يا الغالي ييني

وحشة هالليلة احس تخفي آلام ييني عبدالله عوف البجي ونام
وباچر يعيناي تنهني بالماي يا الغالي ييني